

現代生活藝術系列

華嚴經疏論纂要 72

——十地品之十三

華藏淨宗學會印贈

大方廣佛華嚴經疏論纂要卷第七十二



五臺山清涼國師澄觀疏鈔

太原方山長者李通玄 論

閩鼓山私淑比丘道霈纂要

十地品第二十六 之十三

○第三總結安住。文屬入行。

佛子。菩薩隨順如是智慧。名住善慧地。

〔疏〕論意總結前三。故云前三種事成就。方能安住。

此地。鈔總結前三者。即一法師方便。成就。二智成就。三入行成就。

○大文第四明說成就。亦攝善法行。辯才饒益多。

同彼故。文中二。先牒前總顯。

住此地已了。知衆生諸行差別。教化調伏。令得解脫。

**疏**謂了心行。方善說故。鈔先牒前者。住此地已。名

顯。先了心行。後教化調伏。令得解脫。卽是善說。

○後廣顯說成。有三成就。一智成就。謂知法。知器。

知化儀故。二口業成就。能起說故。三法師自在。

成就。得陀羅尼等。成彼德故。各有佛子以爲揀。

別。今初。

佛子。此菩薩善能演說聲聞乘法。獨覺乘法。菩薩乘法。如來地法。一切行處。智隨行故。能隨衆生根性欲。

解所行有異。諸聚差別。亦隨受生煩惱眠縛諸業習氣而為說法。令生信解。增益智慧。各於其乘而得解脫。

〔疏〕分二。先明隨所知之法。二一切下。隨所依之器。此二何異。前文智成八成。前二各別而知。今此總收。以法逗器。今初所知法。卽三乘一乘解脫差別。各含教證。教道以將化生。令器熟故。證道以將度生。令得解脫。正體度故。此二何異下。問答料揀。先問後前二下答。謂若前二別知智成。如別知本草。別明入成。如別知脉經。今此依脉知病。授本草藥。教道以將化生者。文無教證。故各含之。其教證言。在簡總中。教化調伏。卽是教道。令得解脫。卽是證道。此三乘中。皆具此二。

二隨所依中。文有三節。初總明。次能隨下。別顯後。令生下。結益論。主通收爲七種器。一說所說法對器。自釋云。隨應度者。授對治法故。卽總中二句。下句是說所說法。上句卽所對之器。別中初能隨。及後而爲說法。卽上說所說法。中間根等諸林。卽是所對之器。於中準論經。衆生下有心字。卽是心稠林。通爲五種器。初衆生心。根。性。欲。解。明。所說法成器。謂十一林之中。此五正顯已成信等法器。可隨根欲等說。故別顯之。二所行有異。含其二義。一約能行之行。名種種異行器。卽上根等能行。二所行

之境。卽上根等所行。名譬喻器。總喻上五故。如世  
稼穡。具五因緣。彼所種物。成就堪用。一有心物。二  
有根。益其生力。三有可生性。四含潤欲發。五決定  
可生。喻上心等。故云譬喻。四諸聚差別者。卽定不  
定根轉器。亦通上根等。五亦隨下。隨辭辨器。以彼  
生煩惱業熏難捨。要作同行巧辨。方能化故。三結  
成益。卽隨乘因。能乘出器。以上諸義。不離自乘解  
脫故。三結成益下。卽第七器。言以上諸義。不出自乘者。上六器義。不出三乘。

一智成就竟

○第二口業成就。曲分爲二。先總明具說之德。二

正明口業成就今初

佛子。菩薩住此善慧地。作大法師。具法師行。善能守護如來法藏。

〔疏〕今初亦是智成就。以具法師行。卽是智故。而言說者。護如來法藏。通於說故。斯則內持於智。外口說故。何名具法師行。深妙義中。具二十種功德故。一知時。二正意。三頓。四相續。五漸。六次。七句義漸。次。八示。九喜。十勸。十一具德。十二不毀。十三不亂。十四如法。十五隨衆。十六慈心。十七安隱心。十八憐愍心。十九不著名利。二十不自讚毀他。廣釋如

論。鈔今初亦是下。義有兩兼故云亦是而智先已  
說此中之智為成口業故論但云口業成就廣  
釋如論者以文多稍易非正釋經故畧指耳。今具  
出之論二十德分之為二前十五種是隨順說外  
順說儀故後之五德是清淨說內心無過故前十  
五中初言時者觀察物心無畱難時而為說法論  
云是中時者無八難故如偈說云如王懷憂惱病  
恙著諸欲險處無侍衛。讒佞無忠臣如是八難時  
智臣不應語。心王亦如是。非時不應說釋曰論但  
兩偈更無解釋今當釋之前一偈半是喻但半偈  
合。王喻衆生於所說法取捨自在故。一如人憂惱  
言不入心。衆生憂惱法不入心。二病苦。喻衆生有  
苦。法不入心。三恙。四欲。可知。五險處。喻八難處。六  
無善法。為無侍。七惡友。讒佞。八無善友。忠臣。此八  
皆為法之難。二正意者。論云正威儀住非不正住  
此義云何。自立他坐不應為說法。如是等事。如戒  
經中廣說。何以故。諸佛菩薩敬重法故。以恭敬故  
令他生尊重心。聞法恭敬攝心聽故。三頓。四相續  
論云。頓者。是菩薩正意為一切衆生說一切離慳  
法垢故。釋曰。說一切法是法頓也。離慳法垢故。即



心頓也。生多法廣。事雖難盡。但捨慳垢。卽名頓矣。  
論云。相續者。說無休息。捨諸法中。嫉如意故。釋曰。  
說無休息者。說相續也。捨嫉如意。心相續也。事難  
常俱。但捨如心。卽名相續。五漸。六次。七句義。漸次  
論云。漸者。如字。句次第。義亦如是。說故。釋曰。此約教明論云。  
次者。如字。句次第。義亦如是。說故。釋曰。此依義也。  
論云。句義。漸次者。說同義法。不說不同義法。故釋  
曰。此依行法次第。說亦可於前教及義中。說同義  
法。不說不同義法。是義云何。如四諦中。苦說有作  
集滅道中。亦說有作。苦說無作。集滅道中。亦說無  
作。如是一切。不相間雜。故曰同義。八示。九喜。十勸  
論云。示者。示所應示等。故釋曰。如小乘根。應示小  
等等者。授所應授。照所應照等。論云。喜者。喜所應  
喜等。量宜開曉。令歡喜。故論云。勸者。怯弱衆生。勸  
令勇猛。故十一具德者。現智比知。阿舍所證。具說  
故。釋曰。現比一對。情意分別。教證一對。約境分別  
備此四種。能說之德。故云具德。十二不毀。至第十  
五。論云。不毀者。隨順善道。說故。釋曰。說能隨順。出  
世之道。論云。十三不亂者。不動不雜。正入非稠林。  
故。釋曰。此明說能順理。不動者。言不太淺。太淺失

理名之爲動。不雜者說不太淡。不雜淡隱。言正入者。顯前不動。言能顯理。令人正入。非稠林者。顯前不雜。語不淡隱。不如稠林。難見。知故論云。十四如法者。具說四聖諦。故釋曰。謂說稱於四諦法相。能令人知苦斷集證滅修道。故論云。十五隨衆者。於四衆八部。隨所應聞。而爲說法。故釋曰。此明說順於人。故論總結云。如是十五種相。菩薩隨順利益。他說一切法。故後之五種。是清淨說者。謂十六慈心。下是論云。慈心者。於怨衆生起慈心。說法。故釋曰。怨多瞋。故論云。安隱心者。於惡行衆生中起利益益心。說法。故釋曰。惡行必當受大苦。故論云。憐愍心者。於受苦樂放逸衆生中起憐愍利樂心。說法。故釋曰。於受苦者。愍其現苦。於受樂放逸者。愍其當苦。論云。不著名聞利養者。心不希望常行遠離。故釋曰。未得不希。已得能離。故論云。不自讚毀他者。離我慢嫉妬。如隨煩惱。爲衆生說法。故釋曰。隨緣現起。名隨煩惱。以離我慢。故不自讚。以離嫉妬。故不毀他。論結云。如是五種相。菩薩自心清淨。故論又總結云。具此二十事。能作法。涅槃具七善知名師。是名住大法師。深妙義中。

大法師。與此畧同。慈氏論說具十德者。名大法師。  
攝義具足。一善知法義。二能廣宣說。三處衆無畏。  
四無斷辯才。五巧方便說。六法隨法行。七威儀具  
足。八勇猛精進。九身心無倦。十成就忍力。會之亦  
同。

○第二正明口業中。先畧明。後廣顯。今初  
以無量善巧智。起四無礙辯。用菩薩言辭而演說法。  
此菩薩常隨四無礙智轉。無暫捨離。何等爲四。所謂  
法無礙智。義無礙智。辭無礙智。樂說無礙智。

疏先顯名體。謂外由菩薩美妙言辭而演法義名。

四無礙辨。內由智起。名四無礙智。次辨體者。此智  
卽無漏後得爲體。故云善巧。卽上知法知機智也。  
義無礙解。或通正體。鈔次辨體者。重取善巧智字。以爲辨體。義無礙下。隨難別  
釋。義名所以。知是差別。卽後得智。無心照理。卽通正體。次此菩薩下。約位顯  
勝。以初地分得。此地任運。故無暫捨。後何等下。徵  
列名字。智緣法等無拘礙故。法等皆智境界。從境  
分四。上釋名中。但釋辨智。今釋無礙。一法者。法體謂法自體。有軌  
持故。卽二空所攝。卽真之俗境。故論云。遠離二邊。  
生法所攝。如色礙相等。一法者下。別釋四名。然唯識云。法無礙智。緣能詮教。法爲境。義無礙智。卽於所詮。總持自在。於一義中。現一切義。故詞無礙智。卽於言音。展轉訓釋。總持

自在於一音聲中。現一切音聲故。樂說無礙。智緣  
機巧。說爲境界。今之本論。釋法無礙。不局能詮。故云  
法體。如色礙相。然論一時列名。云是中四無礙境  
界者。一法體。二法境界體。三正得與衆生。四正求  
與無量門。後方牒釋。今疏四中。文皆三節。一牒經  
舉論立名。二謂字下。是疏釋論。三故論云下。舉論  
牒釋。今初法中。論牒釋內。以色從緣集。非定斷常  
故。離二邊。辨俗異真。云生法所攝。卽二執所依之  
法。言如色礙相。二義者。法境界體。謂於法體上差  
者。正出法體。別境義。卽上二空所攝真諦之境。故論云。卽彼遠  
離二邊。生法所攝中。如實智境界故。然得此真智  
者。由菩薩於生法二執所攝境中。以智安住。求彼  
色等。但是虛妄。卽俗而真。是彼色等之中別義。上  
卽遠公之意。其猶不生不滅。是無常義。亦可不約

二諦法約自體義約差別謂十一色等虛妄分別之相。卽是別義言如實智者稱事實也。言如實下解妨妨云若義亦俗諦何名如實。答云約如事實。三詞者。正得與衆生謂得彼方言。與他說故。故論云。於彼如實智境中。隨他所喜。言說正知。此釋正得。隨他言說正知而與故。此釋與衆生。四樂說者。正求與無量門。謂樂說乃辭中別義。七辨剖析。名無量門。論云。於彼隨他所喜言語。正知無量種種義語。隨知而與故。正求與者邪求不與

**論**用菩薩言詞而演說法者。明佛爲正覺之體。無分別故。明如來所有出生滅度度衆生及轉法輪。

總是菩薩道故。已下如文自明。各依四智所轉法輪。皆有所歸。以法無礙智。總辦法身平等自性之理。以義無礙智。能辨諸法總別同異。以詞無礙智。所說無錯謬。以樂說無礙智。所說諸法無有斷盡。以如是四智。轉一切法輪。不離此也。如阿耨池。流出四河。潤諸世間。生諸草木。各有差別。而體不離。一水四河。思之可見。

○二廣顯中。理實此四。通該一切。且約圓數。以列十門。各有復次。論云。後五是淨者。謂三乘行果。則顯前五。是三乘教理。通於染淨。言十者。一依

自相。謂知事法。體各殊故。二依同相。謂知理法。若性若相。各有同理故。三行相。此約時辦法。三世遷流故。上三知義。卽是所詮。四說相。此知教法。上四皆約所知。五智相。此約能知。六無我慢相。此約所離。明淨。七小乘大乘相。此約所行。上一二通辨諸乘。行果。後三別約一乘。八菩薩地相。此約因行。後二知果。九如來地相。約體。十作任持相。約用。然十中。法義則別。後二多同。皆詞則說於法義。樂說乃詞中別義。亦有以詞說於法。樂說說義。十中皆四無礙。卽四種相。今初自相。



此菩薩以法無礙智。知諸法自相。義無礙智。知諸法別相。辭無礙智。無錯謬說。樂說無礙智。無斷盡說。

疏。自相有四種者。一。生法自相。謂知色是變礙相。

等。鈔。一。生法自相者。論標名也。謂知色下。疏釋。世法集起。故名爲生。自性門中。辨此生法。名生自

相。下。三。二義者。差別自相。謂知色有十一處等。上例然。

二。約總別以分法義。後二同體義分。二。義下。論立名。謂知下。疏

釋。即生法之中差別也。千一處者。五根五境。及法處所攝色也。上。二。下。疏。結前生後。然上諸義。論無

釋。重。三。想堅固自相。想者。起言所依。亦以慧心。取彼

二種相故。一。隨自所覺諸法相。二。隨彼彼所化言

詞所宜相。以所覺法。隨彼言詞。爲彼生說。說無錯

謬名爲堅固。論經云：不壞者，壞卽錯也。三想堅固下。是論立

名想者下。疏釋。四彼想差別自相。想義同上。但以卽論重釋中意。

次第不息。以多異名。堅固彼義。令他愛樂。名不斷

盡。四彼想下。論立名也。想義下。卽疏釋。亦論重釋中意。此自相一門是總。故

論前總中。亦依此釋。諸經論中。亦多依此

○第二同相。約性與相。分於法義

復次以法無礙智。知諸法自性。義無礙智。知諸法生

滅。辭無礙智。安立一切法不斷說。樂說無礙智。隨所

安立。不可壞無邊說

〔疏〕一切法同相。謂諸法同以無性爲自性故。鈔初

知法先論立名。謂字。二有爲法同相。同生滅故。謂下。疏釋。論無重釋。

觀無常門生滅相。得入初句法。無我性故。無我智

境得成。是則生滅是常義也。若準推無常門。入初無性。亦是不生不滅。

是無常義。今以經中法尚無自性。即是常也。義明生滅。是無常也。故以無常生滅。是無性常家義用。

三詞四辨。三一一切法假名同相。故云安立所立之準。此可知。

法。已是假名。更以言詮假名而談。名不斷說。四假

名假名同相。謂不壞前假名。更能以異異無邊假

名說。故重言假名。

○第三行相中。約三世以分法義。

復次以法無礙智。知現在法差別。義無礙智。知過去

未來法差別。辭無疑智。於去來今法無錯謬說。樂說無礙智。於一一世無邊法明了說。

〔疏〕一生行相。現法緣生故。設知過未。亦名現在。以三世皆是當世現在故。故論云。過去未來。彼彼世間攝受故。二已生未生行相。設知現在。亦名過未。以現是過家未。未家過故。是則當世而知名法。逆見過未。能知現在。是則名義爲菩薩智境。鈔云。何未。知現在耶。見過去法。謝未法未生。則知現在。從未而生。必當謝滅。三物假名行相。總說三世之物不謬故。四說事行相。然所說事不出三世總相物中。故云。一一世。但曲明異異事法。

故云無邊法明

○第四說相中。約本釋以分法義

後次以法無礙智。知法差別。義無礙智。知義差別。辭無礙智。隨其言音說樂說無礙智。隨其心樂說

〔疏〕一修多羅相。故但云法。二解釋相。所以名義。三隨順相。隨類言音故。四相似說相。謂隨心樂聞何法。宜何譬喻。說似彼心故

○第五智相。約法類以分法義

復次法無礙智。以法智知差別不異。義無礙智。以比智知差別如實。辭無礙智。以世智差別說樂說無礙

智以第一義智善巧說

〔疏〕一現見智。二比智。比卽類也。然所知境卽是二諦。法比等智。是無礙體。從體立稱。不同前後。又法比等智。通於大小。四無礙智。唯局大乘。故涅槃說。唯菩薩有。聲聞設有。少故名無。若就二智所觀。並通大小。約能觀智。唯局大乘。於大乘中。依觀所取。能取以立法類。一法智觀如。故云現見。謂觀差別。二諦同如不異故。鈔同如卽是不異所以。二比智。卽觀前能觀如實分別之智。類餘亦爾。類何等耶。比知如前差別。卽如實故。三欲得方便智。謂此是相見道。依

真假說後得智攝。故云世智。若欲得第一義。假說以爲方便。四得智。謂雖以世智說。而與第一義相應。非顛倒異。方名樂說。故云善巧。可以證得第一義故。

○第六無我慢相中。約真俗以分法義。

復次法無礙智。知諸法一相不壞。義無礙智。知蘊界處諦緣起善巧。辭無礙智。以一切世間易解了美妙音聲文字說樂說無礙智。以轉勝無邊法明說。

〔疏〕一第一義諦無我。故云一相。言不壞者。不壞無我故。若言我知無我。我證無我。則壞無我以有能。

所故。二世諦無我。故云蘊等。迷蘊著積聚我。迷界著異。因我計種族別故。迷處著欲我計為生門。能受入故。迷諦緣起著作我。皆明因果有造作故。竝是法我。亦通人我。今隨順觀察世諦緣生無實。以為對治。得入第一義法無我名善巧方便。故蘊界等。是菩薩智境所治之我。鈔迷五蘊者。以聚生門種族是蘊處界義。故迷積聚為蘊。謂有我人。亦謂聚色以為色蘊等。迷十八界者。約法我六根六塵。生識正因。因各異故。有此法我。若外道計中。有人我以為異因。使知塵等。迷十二處者。迷於六入根塵相順。眼見色等。遂生貪者。則有法我。或謂神我於中能著。猶如一人在於六向。見色聞聲等。迷諦緣者。迷於四諦十二因緣。皆謂以因能作果。故人我可知。故疏雙結。竝是法我。亦通人我。今隨順下。上辨所遣之病。卽是我



慢。此下辨能遣之藥。卽是無我。觀世緣生。故無有實。無實卽實。爲第一義。故上六地論云。隨順觀察。世諦入第一義。從故蘊界下。結成蘊等。爲智之境。三說美妙無我。愜情稱美。順理爲妙。四說無上無我。故云轉勝。詞中差別。故曰無邊法明。

○第七大小乘相中。約權實以分法義。

復次法無礙智。知一乘平等性。義無礙智。知諸乘差別性。辭無礙智。說一切乘無差別。樂說無礙智。說一乘無邊法。

〔疏〕一觀相。謂一觀不異。唯一事實故。鈔。唯一事實者。卽法華云。唯此一事實。實。餘二則非眞。一性相。就彼根性。有三乘故。二解脫。

相會彼三乘同歸一實。解脫相中無差別故。論云  
 依同解脫不懼者。法華云。今我喜無畏。但說無上  
 道故。三乘同歸一實者。第一經云。舍利弗。當知。諸  
 佛語無異於佛所說法。當生大信力。世尊法  
 久後。要當說真實。告諸聲聞眾。及求緣覺乘。我令  
 脫苦縛。逮得涅槃者。佛以方便力。示以三乘教。眾  
 生處處著引之。令得出。又第二經云。汝等所行。是  
 菩薩道。漸漸修學。悉當成佛。三周之經。皆是會三  
 方便歸一。真實解脫相者。第三經藥草喻品云。如  
 來知是一相一味之法。所謂解脫相。離相滅相。究  
 竟涅槃。常寂滅相。終歸於空。即解脫中無差別也。  
 又第二經云。但離虛妄名爲解脫。其實未得一切  
 解脫。則一切解脫。三乘同歸也。法華云。下釋成上  
 論。亦方便品。先有一偈云。舍利弗。當知。鈍根小智  
 人。著相。憍慢者。不能信。是法。釋曰。此偈則明。如來  
 有畏。畏其謗故。次即云。今我喜無畏。於諸菩薩中。  
 正直捨方便。四念相。即開方便門。隨機念異。心行  
 但說無上道。

不同。以多法。明說諸乘法。然皆為一事。故論云。隨

順解脫。即開方便有二義。一於一佛乘。分別說三。

眾生宿世善根。又知成熟未成熟者。種種籌量。分

別知已。於一乘道。隨宜說三等。是也。二開者。開除

開發。故第四經云。此經開方便門。示真實相。斯即

說三為方便。名之為開。即然皆為一事。下疏是也。

第一經云。我此九部法。隨順眾生說。入大乘為本。

以故說是經。亦即長行中云。諸佛世尊。唯以一大

事因緣。故出現於世。又云。舍利弗。諸佛如來。但教

化菩薩。諸有所作。常為一事。唯以佛之知見。示悟

眾生。即其文也。故引論明隨順解脫。即方便多門。皆順解脫也。

○第八菩薩地相中約地體相以分法義鈔第八

相者說地體為法。地相為義。三辭者說相不違

體。四樂說者說相隨機。此之體相即證教二道

亦即前義說二大亦即不可說及可說

義總收一品之意廣如本分及請分中

復次法無礙智。知一切菩薩行。智行。法行。智隨證。義無礙智。知十地分位。義差別。辭無礙智。說地道無差別相。樂說無礙智。說一一地無邊行相。

**疏**一智相。一切菩薩行者。總標也。何者是耶。謂所證法行。能證智行。何以此二名菩薩行。以智契如故。故經云。智隨證。論云。觀智說故。此菩薩行。卽十地智體。二說相。謂體雖一智。相有十地分位故。然此分位。由心差別。故論云。十地差別者。謂心。而名說相者。約口言也。以論經云。義無量者。說十地差別。故作是釋。斯則異前義大。鈔斯則異前者。顯義無礙。卽說是大。前法

無礙是義大也。三與方便相。謂巧說十地。授與衆生。不顛倒教授。與地證道。無有差別故。謂巧說十地者。釋方便言。從授與下。釋無差別言。乃有二意。一稱機不倒爲無差別。二不違證道爲無差別。如鳥迹合空。四入無量門相。入諸地相差別故。

○第九如來地相。約真應以分法義。

復次法無礙智。知一切如來一念成正覺義。無礙智知種種時種種處等各差別。辭無礙智說成正覺差別。樂說無礙智於一一句法。無量劫說不盡。

〔疏〕謂一法身相。卽始本無二之法身。故云一念成

正覺。鈔以始本無二釋一念者。以起信云。謂一念相應慧。無明頓盡。名一切智。言一念相應者。

卽始覺與本覺相應故。彼論云。如菩薩地盡滿足  
 方便。一念相應覺心初起。心無初相。以遠離微細  
 念故。得見心性。心卽常任名究竟覺。正是始本無  
 二相也。次上論釋本覺竟云。何以故。本覺義者。對  
 始覺義說。以始覺者。卽同本覺。又云。若得無念者。  
 則知心相生。任異滅。以無念等故。而實無有始覺  
 之異。以四相俱時而有。皆無自立。本來平等。同一  
 覺故。以始覺同於本覺。無復始本之異。於一念相  
 應。亦是一念頓覺。一切法故。故淨名云。一念。一色  
 知一切法。是道場。成就一切智故。餘竝可知。一色  
 身相。種種時者。隨何劫中。種種處者。隨何國土。依  
 報事。各差別者。隨何等佛身。正報事。三正覺相。通  
 說正覺。十佛差別故。四說相。佛德無盡。故說亦無  
 盡。

○第十作住持相。約諸佛能說德。所說聲教。以分

法義

復次法無礙智。知一切如來語。力無所畏。不共佛法。大慈大悲。辯才方便。轉法輪。一切智智。隨證義。無礙智。知如來隨八萬四千衆生心。行根解差別音聲。辭無礙智。隨一切衆生行。以如來音聲差別說樂說無礙智。隨衆生信解。以如來智清淨行圓滿說。

〔疏〕一覺相。卽作在持德。覺法性相。故語者。隨自意語。隨他意語。隨自他意語。此能說法。故十力。破魔。憍慢。無畏。伏外道。不共異二乘。慈悲。故常說。辯才。故能說。方便者。隨順物。機轉法輪者。正說。此上皆。

一切智智隨證。二差別相。知佛隨心種性等差別聲教故。三說相。用前音聲差別說故。四彼無量相異異說故。隨信解者。示現菩薩無盡樂說故。以如來智等者。諸佛法身。以利生爲行。此行合智故。無垢清淨。不可破壞。故云圓滿。此地分得。故用之而說。二口業成就竟。

○第三法師自在成就中。二先牒前標後。

佛子。菩薩住第九地。得如是善巧無礙智。得如來妙法藏。作大法師。

○二正顯成就有四種事。一持成就得不失故。二。



說成就。巧能演故。三問答成就。斷疑網故。四受持成就。更受勝法故。則前三自分。後一勝進。又前一釋得妙法藏。後三釋作大法師。於此四種。皆無縛著。卽攝第九廻向也。今初。

得義陀羅尼。法陀羅尼。智陀羅尼。光照陀羅尼。善慧陀羅尼。衆財陀羅尼。威德陀羅尼。無礙門陀羅尼。無邊際陀羅尼。種種義陀羅尼。如是等百萬阿僧祇陀羅尼。皆得圓滿。以百萬阿僧祇善巧音聲辯才。門而演說法。此菩薩得如是百萬阿僧祇陀羅尼。門已。於無量佛所。一一佛前。悉以如是百萬阿僧祇陀羅

尼門聽聞正法。聞已不忘。以無量差別門爲他演說。

〔疏〕分二。初列十持。持先已得。後此菩薩得如是下。用前十持。持當所得。今初先列十持。並從所起業。用立名。初三起意業。次三起身業。後四起口業。一持義。二持教法。三持能知智。四善軟者。慈光攝受。五剛強者。善慧降伏。種種施爲故。六上供諸佛。下攝貧窮。故名衆財。七於大乘中。陞劣衆生。示教大乘威德勝利。令生喜故。八不斷辯才。智常說故。九無盡樂說。深說故。十種種義樂說。廣說故。後如是下總結。以百萬下。顯持之用。二持當得中。聞已不

忘。正顯持義。爲他演說。亦持之用。

○第二明說成就

此菩薩初見於佛。頭頂禮敬。卽於佛所得無量法門。此所得法門。非彼聞持諸大聲聞於百千劫所能領受。此菩薩得如是陀羅尼。如是無礙智。坐於法座而說於法。大千世界滿中衆生。隨其心樂。差別爲說。唯除諸佛。及受職菩薩。其餘衆會威德光明。無能與比。此菩薩處於法座。欲以一音。令諸大衆皆得解了。卽得解了。或時欲以種種音聲。令諸大衆皆得開悟。或時心欲放大光明演說法門。或時心欲於其身上。

一毛孔皆演法音。或時心欲乃至三千大千世界所  
有一切形無形物皆悉演出妙法言音。或時心欲發  
一言音周徧法界悉令解了。或時心欲一切言音皆  
作法音。恒住不滅。或時心欲一切世界簫笛鐘鼓及  
以歌詠一切樂聲皆演法音。或時心欲於一字中一  
切法句言音差別皆悉具足。或時心欲令不可說無  
量世界地水火風四大聚中所有微塵。一一塵中皆  
悉演出不可說法門。如是所念一切隨心無不得者。

**[疏]**於中三。初顯所受法多。二此菩薩得如是下。能  
廣開演。三此菩薩處於法座下。明起說自在。

○第三問答成就

佛子。此菩薩假使三千大千世界所有衆生成至其  
前。一一皆以無量言音而興問難。一一問難各各不  
同。菩薩於一念頃悉能領受。仍以一音普爲解釋。令  
隨心樂各得歡喜。如是乃至不可說世界所有衆生。  
一剎那間。一一皆以無量言音而興問難。一一問難  
各各不同。菩薩於一念頃悉能領受。亦以一音普爲  
解釋。各隨心樂。令得歡喜。乃至不可說世界  
滿中衆生。菩薩皆能隨其心樂。隨根隨解而爲說法。  
承佛神力。廣作佛事。普爲一切作所依怙。

〔疏〕初一界答難。二明一切世界

○第四受持成就

佛子。此菩薩復更精進成就智明。假使一毛端處有不可說世界微塵數諸佛衆會。一一衆會有不可說世界微塵數衆生。一一衆生有不可說世界微塵數性欲。彼諸佛隨其性欲。各與法門。如一毛端處一切法界處。悉亦如是。如是所說無量法門菩薩於一念中。悉能領受。無有忘失。

〔疏〕可知

○第二明位果

佛子。菩薩住此第九地。晝夜專勤。更無餘念。唯入佛境界。親近如來。入諸菩薩甚深解脫。常在三昧。恒見諸佛。未曾捨離。一一劫中。見無量佛。無量百佛。無量千佛。乃至無量百千億那由他佛。恭敬尊重。承事供養。於諸佛所。種種問難。得說法陀羅尼。所有善根。轉更明淨。

**疏**三果同前。但初調柔。見佛緣中。初依內證。近佛法身後。依三昧。見佛色身。餘文可知。

譬如真金。善巧金師。用作寶冠。轉輪聖王。以嚴其首。四天下內一切小王。及諸臣民。諸莊嚴具。無與等者。

此第九地菩薩善根亦復如是。一切聲聞辟支佛及下地菩薩所有善根無能與等。佛子。譬如二千世界主大梵天王身出光明二千界中幽遠之處悉能照耀除其黑闇。此地菩薩所有善根亦復如是。能出光明照衆生心。煩惱黑闇皆令息滅。此菩薩十波羅蜜中。力波羅蜜最勝。餘波羅蜜非不修行。但隨力隨分。佛子。是名略說菩薩摩訶薩第九善慧地。若廣說者。於無量劫亦不能盡佛子。菩薩摩訶薩住此地。多作二千世界主大梵天王。善能統理自在饒益。能爲一切聲聞緣覺及諸菩薩。分別演說波羅蜜行。隨衆生



心。所有問難無能屈者。布施愛語。利行同事。如是一切諸所作業。皆不離念佛。乃至不離念一切種。一切智智。復作是念。我當於一切衆生中。爲首爲勝。乃至爲一切智智依止者。此菩薩若發勤精進。於一念頃。得百萬阿僧祇國土微塵數三昧。乃至示現百萬阿僧祇國土微塵數菩薩。以爲眷屬。若以菩薩殊勝願力自在示現。過於此數。乃至百千億那由他劫。不能數知。

○第三重頌分

爾時金剛藏菩薩。欲重宣其義而說頌曰。

無量智力善觀察

最上微妙世難知

普入如來祕密處

利益衆生入九地

總持三昧皆自在

獲大神通入衆刹

力智無畏不共法

願力悲心入九地

〔疏〕二十四頌分三。初十九頌地行。次四頌位果。後

一結歎。今初具頌上四分。初二頌法師方便

住於此地持法藏

了善不善及無記

有漏無漏世出世

思不思議悉善知

若法決定不決定

三乘所作悉觀察

有爲無爲行差別

如是而知入世間

〔疏〕次二頌智成就。

若欲知諸衆生心

則能以智如實知

種種速轉壞非壞

無質無邊等衆相

煩惱無邊恒共伴

眠起一義續諸趣

業性種種各差別

因壞果集皆能了

諸根種種下中上

先後際等無量別

解性樂欲亦復然

八萬四千靡不知

衆生惑見恒隨縛

無始稠林未除翦

與志共俱心竝生

常相羈繫不斷絕

但唯妄想非實物

不離於心無處所

禪定境排仍退轉

金剛道滅方畢竟

六趣受生各差別

業田愛潤無明覆

識爲種子名色芽

三界無始恒相續

惑業心習生諸趣

若離於此不復生

衆生悉在三聚中

或溺於見或行道

〔疏〕次七頌入行成就。

住於此地善觀察

隨其心樂及根解

〔疏〕四有八偈頌說成就於中初半偈頌智成就

悉以無礙妙辯才

如其所應差別說

處於法座如師子

亦如牛王寶山王

又如龍王布密雲

霍甘露雨充大海

善知法性及奧義

隨順言辭能辯說

〔疏〕次二偈。頌口業成就。其中諸喻。長行所無。

總持百萬阿僧祇

譬如大海受衆雨

總持三昧皆清淨

能於一念見多佛

一一佛所皆聞法

復以妙音而演暢

〔疏〕後五偈。半頌法師自在成就。於中初一偈。半頌

持

若欲三千大千界

教化一切諸羣生

如雲廣布無不及

隨其根欲悉令喜

〔疏〕次一偈頌說。

毛端佛衆無有數

衆生心樂亦無極

悉應其心與法門

一切法界皆如是

〔疏〕次一頌問答。

菩薩勤加精進力

復獲功德轉增勝

聞持爾所諸法門

如地能持一切種

十方無量諸衆生

咸來親近會中坐

一念隨心各問難

一音普對悉充足

〔疏〕後二頌受持兼頌問答。

住於此地爲法王

隨機誨誘無厭倦

日夜見佛未曾捨

入深寂滅智解脫

供養諸佛善益明

如王頂上妙寶冠

復使衆生煩惱滅

譬如梵王光普照

住此多作大梵王

以三乘法化衆生

所行善業普饒益

乃至當成一切智

一念所入諸三昧

阿僧祇刹微塵數

見佛說法亦復然

願力所作復過此

此是第九善慧地

大智菩薩所行處

甚深微妙難可見

我爲佛子已宣說

論有四十八行頌。明重頌前法分。如文自具。此已

上大綱明但隨智境約智德見佛供養及攝生乃  
至眷屬廣大非有往來自他所爲但以智境對現  
故如一切智智依止者。明修真俗二智者之所依  
止故。明六地真俗二智現前。七地唯存利物。八九  
二地行圓任運。十地佛力方終。云如來無上兩足  
尊者。明此真俗二智滿故。明如是修二智者所依  
止故。 已上第九地竟

大方廣佛華嚴經疏論纂要卷第七十二



比丘弘闡太省通朗信士趙相同刊  
華嚴經十地品疏論纂要第七十二卷  
伏願  
同遊華藏深徹性源興普賢之願王  
證毘盧之性海  
四恩普報三有均資法界有情同圓  
種智  
康熙十九年八月朔旦  
華藏室題